

gularis Gratia et, quae incomparabilis, Clementia ferre, complecti, suffulcire velit. Huius ergo tam Clementis, tam Augusti PRINCIPIS, vtvt REGIAE MAIESTATI et maximo Splendori nostra non respondeat eloquentia, virium exilitas contra illud tam pium et graue munus reformidet, solempni cultu peragemus natales: et publica panegyri, eo die X. hora matutina, in auditorio maiori, Academiae nomine, dicemus *de literatorum ab Summo Principe repetenda felicitate*: ea, qua decet, religione illum, qui vnus natiuitatis atque totius vitae arbiter est, immortalem Deum, precati, vt PATRIAE PATRI INDVLGENTISSIMO FRIDERICO REGI, ex animi sententia succedant omnia, felicitas vt summa, ita perennis et propria, intra seros annos superesse contingat. Quod vt literarum omnium ordinum Fautores, Amici, Commilitones, Academiae Ciues et Hospites, nobiscum agere dignentur, officiose et paucis rogamus, ita quidem, ne laboriosius exigere videamur, quae pietas imperat. P. P. Rintelii IV. Nonas Maii clō lcccxxxii.

XXIII.

DE LITERARVM VANITATE.

O curas hominum! o quantum est in rebus inane! Interdiu noctuque mortales, per omnem aetatem, incumbere literis, abiecta fere ex omnibus seculis monumenta colligere et studiorum ornamenta, conatibus maximis perpolire artes, ad summum dignitatis gradum scientias prouehere, quacunque excellere doctrina, et incomparabili eruditionis laude nominis immortalitatem sibi comparare; semet vero ipsius vitae suauissimo fructu, et rerum omnium voluptate, quam cordatiores pro summo habuerunt bono, priuare non

F 3

dubi-